

KERATAN AKHBAR

TARIKH : 24 MEI 2024
 AKHBAR : BERITA HARIAN
 MUKA SURAT : 3

1,000 syarikat bakal laksana projek rintis Dasar Gaji Progresif



Pembinaan antara lima sektor di bawah pelaksanaan projek rintis Dasar Gaji Progresif bagi meningkatkan pendapatan pekerja. (Foto ilusian)

1,000 syarikat bakal laksana projek rintis Dasar Gaji Progresif

Lima sektor penuh syarat layak terima inisiatif khas daripada kerajaan

Oleh Muhammad Yusri Muzamir
 yusri.muzamir@bh.com.my

Kuala Lumpur: Dasar Gaji Progresif yang bertujuan menangani isu gaji rendah membelenggu pekerja di negara ini dan pengalihan pendapatan lebih seimbang akan mula dilaksanakan sebagai projek rintis bulan depan, dengan pembabitkan 1,000 syarikat meliputi lima sektor.

Lima sektor itu adalah pembinaan, pembinaan borong dan runcit, perkhidmatan kenderaan bermotor dan motosikal, maklumat dan komunikasi serta aktiviti profesional, saintifik dan teknikal.

Syarikat yang terpilih akan menerima insentif maksimum RM200 sebulan bagi setiap pekerja peringkat permulaan dan maksimum RM300 sebulan bagi setiap pekerja bukan peringkat permulaan.

(Pekerja peringkat permulaan adalah tenaga kerja yang berkhidmat dalam tahun pertama di syarikat itu, manakala pekerja bukan peringkat permulaan ada-

lah mereka yang telah mengisi jawatan di syarikat lebih daripada setahun).

Majikan layak menuntut insentif tuntas menerusi Dasar Gaji Progresif daripada kerajaan sekiranya memenuhi beberapa syarat, antaranya pekerja terbahut bergaji RM1,500 hingga RM4,999.

Selain itu, pekerja yang berdaftar di bawah Dasar Gaji Progresif perlu menjalani kursus dan latihan peningkatan kemahiran sekurang-kurangnya selama tiga hari (21 Jam), katanya.

Dasar Gaji Progresif mempunyai tiga ciri iaitu pelaksanaan adalah secara sukarela oleh majikan, kerajaan memberikan insentif dan kenaikan gaji berdasarkan produktiviti.

tingkat produktiviti pekerja
 Menteri Ekonomi, Rafizi Ramli, berkata Dasar Gaji Progresif adalah inisiatif kerajaan untuk meningkatkan pendapatan pekerja seimbang dengan peningkatan produktiviti untuk memacu Malaysia menjadi negara berpendapatan tinggi.

Selasa lalu, Datuk Seri Anwar Ibrahim dalam Perutusan Negeranya memaklumkan kerajaan serius menggubal Dasar Gaji Progresif membabitkan sektor swasta bagi membantu meningkatkan pendapatan rakyat.

Perdana Menteri berkata, usaha itu penting kerana ramai orang muda dan graduan baharu sering bertanyakan mengenai nasib mereka, khususnya peluang pekerjaan dan pendapatan.

Kerjasama antara kerajaan dan sektor swasta dalam melaksanakan Dasar Gaji Progresif yang dibentangkan di Parlimen pada 30 November tahun lalu, antara lain menjadi strategi kerajaan meningkatkan gajinya pekerja, sekali gus meningkatkan kadar bahagian pampasan pekerja (CE) dalam tempoh beraki Rancangan Malaysia Ke-12 serta 10 tahun akan datang.

Rafizi berkata, pemilihan syarikat untuk projek rintis ini dibuka kepada lima sektor dengan melalui proses menekankan sokongan dasar, tahap keperluan sektor dan keseksamaan.

"Penilaian terhadap projek rintis ini akan dilaksanakan pada September ini, bagi memastikan ketersediaan dasar sebelum Dasar Gaji Progresif dilaksanakan secara menyeluruh kepada semua majikan dan sektor," katanya menerusi siaran di laman X, semalam.

Majikan yang ingin mendapatkan maklumat lanjut termasuk garis panduan penuh pelaksanaan Dasar Gaji Progresif serta latihan boleh melayari laman web <https://gajiprogresif.gov.my>

DASAR GAJI PROGRESIF

Apakah Dasar Gaji Progresif?
 Untuk meningkatkan gaji pekerja secara progresif, sering peningkatan produktiviti, ia menjadi pelengkap kepada dasar gaji pada ada untuk Dasar Gaji Minimum dan Sistem Ujrah yang Dilakikan Dengan Produktiviti (PLWS) dalam usaha meningkatkan gaji serta mencapai pengalihan pendapatan yang lebih seimbang.

Bila Dasar Gaji Progresif dilaksanakan?
 Projek rintis membabitkan 1,000 syarikat akan bermula pada Jun 2024 hingga Ogos 2024. Perincian projek rintis pada September 2024 untuk memulakan pelaksanaan penuh.

Siapa terima manfaat?
 Memanfaatkan pekerja peringkat permulaan dan pekerja bukan peringkat permulaan dari berbagai sektor yang bergaji antara RM1,500 dan RM4,999 sebulan. Majikan akan mendapat insentif berkemahiran tinggi yang mengukuhkan kepada peningkatan produktiviti, daya saing dan pendapatan syarikat.

TIGA CIRI DASAR GAJI PROGRESIF

BERSIFAT SUKARELA
 Syarikat berminat boleh mendaftar secara sukarela melalui sistem permohonan dalam talian (gajiprogresif.gov.my)

BERTERASKAN INSENTIF
 Syarikat berdaftar serta memenuhi syarat dan kriteria akan menerima insentif. Jumlah insentif ditentukan kerajaan berdasarkan kedudukan fiscal negara.

TERKAIT PRODUKTIVITI
 Kenaikan gaji perlu seiring peningkatan tahap kemahiran dan produktiviti pekerja.

INSENTIF

Kadar insentif sebulan mengikut kumpulan pekerja	
KUMPULAN PEKERJA	KADAR INSENTIF SEBULAN
Peringkat permulaan	Maksimum RM200
Bukan peringkat permulaan	Maksimum RM300

Lathan 3 hari (21 jam) gaji-syarikat untuk pembayaran insentif

SYARAT PENYERTAAN

- Berdaftar dengan Suruhanjaya Syarikat Malaysia (SSM), Jabatan Pendaftaran Perusahaan Malaysia (ROSP), Pihak Berkuasa Tempatan (PBT) atau lain-lain perubahan
- Berdaftar dengan PERKESO dan KWSP
- Bukan syarikat berkaitan dengan multinasional
- Tuntutan insentif hanya kepada pekerja warganegara Malaysia
- Menggaji pekerja yang bekerja sepenuh masa di bawah suatu kontrak perkhidmatan
- Menggaji pekerja yang menerima gaji pokok tidak melebihi had gaji ditentukan Jawatankuasa Eksekutif Pelaksanaan Dasar Gaji Progresif
- Penyerahan dibuka kepada semua sektor kecuali pentadbiran awam dan pertahanan; aktiviti sosial wajib serta aktiviti badan dan pertubuhan luar wilayah.

Dasar Gaji Progresif

1,000 syarikat laksana mulai bulan depan

Projek rintis Dasar Gaji Progresif bagi menangani isu upah rendah pekerja di negara ini dan agihan pendapatan lebih seimbang akan dilaksanakan bulan depan oleh 1,000 syarikat meliputi sektor pembuatan; pembinaan; perdagangan borong dan runcit, pembaikan kenderaan bermotor dan motosikal; maklumat dan komunikasi serta aktiviti profesional, saintifik dan teknikal.

Oleh Muhammad Yusri Muzamir → Nasional 5

